

雲間志

（朱端常等修
全二冊）

卷一百一十五



雲間志下

懷土賦

陸機

余去家漸久懷土彌篤方思之殷何物不感曲街委巷
罔不興詠水泉草木咸足悲焉故述斯賦

背故都之沃衍適新邑之丘墟遵黃川以葺宇被蒼林
而卜居悼孤生之已晏恨親沒之何速排虛房而永念
想遺塵其如玉眇縣邈而其

犯高宗嫌名

觀徒佇立其焉屬

感亡景於存物惋隕年於拱木悲顧眄而有餘思俯仰
而自足留茲情於江介寄瘁貌於湘曲玩通川以悠想
撫歸塗而躑躅伊命駕之徒勤慘歸途之良難愍栖鳥

於南枝弔離禽於別山念庭樹以悟懷憶路草而解顏
甘堇荼於飴苾緯蕭艾其如蘭神何寢而不夢形何興
而不言

贈從兄車騎詩

李善注曰
陸士光

陸機

孤獸思故藪離鳥悲舊林翩翩游宦子辛苦誰爲心
髯谷水陽婉變崑山陰營魄懷茲土精爽若飛沈寤寐
靡安豫願言思所欽感彼歸塗難使我怨慕深安得忘
歸草言樹背與襟斯言豈虛作思鳥有悲音

奉和皮日休吳中卽事

陸魯望

風清地古帶前朝遺事紛紛未寂寥三泖涼波漁蕝動

遠祖士衡對晉武帝
以三柳冬溫夏涼

五茸春草雉媒嬌

五茸吳王獵所茸各有名雲

藏野寺分金刹月在江樓倚玉簫
不用懷歸忘此景吳王看卽奉弓招

迴自青龍呈謝師直

梅聖俞

其君相別三四年巖巖瘠骨還依然
唯鬚比舊多且黑學術久已不可肩
嗟予老大無所用白髮冉冉將侵顛
文章自是與時背妻餓兒唬無一錢
幸得詩書銷白日豈顧富貴摩青天
而今飲酒亦復少未及再酌腸如煎
前夕與君歡且飲飲纔數盞我已眠
雞鳴犬吠似聒耳舉頭屋室皆左旋
起來整巾不稱意挂帆直走滄海邊

便欲騎鯨去萬里列缺不借霹靂鞭氣沮心衰非欲睡
夢想先到蘋洲前願君無復更留醉醉死誰能似謫仙

逢謝師直

梅聖俞

昔向南陽道中別今向華亭水上逢把酒語君悲白日
流光冉冉去無蹤

華亭十詠

唐詢

華亭本吳之故地昔附於姑蘇佩帶江湖南瀕大海觀
望之美焉歷吳晉閒名卿繼出風流文物相傳不泯閭
里所記遂爲故事景祐初元八月予被詔爲縣至部且
一年而囹圄多囚繫簿書嬰期會羸沒朝夕精疲意殆

凡山川風物在境內者未嘗一日而講求焉粵今秋邑
人有訟古泖湖者持舊圖經詣庭以自直因得而究之
凡經所記土地人物神祠墳壟所言甚詳行部之餘輒
至其地因里人而咨焉多得其真代異時移喟然興歎
卽采其尤著者爲十詠皆因事紀實按圖可見將以志
昔人之不朽誠舊俗之所傳云爾

顧亭林

顧亭林湖在東南三十五里湖南又有顧亭林相傳陳顧野王居此因以爲名焉

平林標大道曾是野王居舊里風煙變荒原草樹踈湖
波空上下里閭已丘墟往事將誰語淒涼六代餘

寒穴

金山北有寒穴清泉出焉其味甘香

絕頂干雲峻寒泉與穴平還同帝臺味不學隴頭聲夜雨遙源漲秋風顥氣清誰云蔗漿美纔可析朝醒

吳王獵場

在華亭谷東吳陸遜生此子孫嘗所遊獵後人呼爲陸機茸今其地爲桑陸

昔在全吳日從禽耀甲戈百車嘗載羽一目舊張羅地變柔桑在原荒蔓艸多思人無復見落日下山坡

柘湖

在縣南七十里湖中有小山生柘樹因以爲名吳越春秋海鹽縣淪沒爲柘湖吳地記秦

時有女入湖爲神今其祠存

世厯亾秦遠湖連大海瀕柘山標觀望玉女見威神渺渺旁無地滔滔孰問津何年化魚鼈髣髴厯陽人

秦始皇馳道

在縣西北崑山南四里相傳有大堽路西通吳城卽馳道也

秦德衰千祀江濱道不脩相傳大堤在曾是翠華遊玉
趾如將見金椎豈復留悵然尋舊跡蔓艸蔽荒丘

陸瑁養魚池

在縣西今名瑁湖或云卽陸瑁所居相傳有宅基存焉

代異人亡久漉池卽舊居未移當日地無復故時魚蒲
藻依稀在風波浩蕩餘水濱如可問一爲訪庭除

華亭谷

在縣南榮衍三百里入松江

深谷彌千里松陵北合流岸平迷晝夜人至競方舟照
月方諸泣迎風弱荇浮平波無限遠極目漲清秋

陸機宅

華亭谷水東有崑山相傳卽其宅陸機詩云髣髴谷水陽婉變崑山陰今其地存焉

舊諫傳遺趾悠然歷祀深人無令威至門異下邳箴谷

水當年溜崑山昔日陰魯堂那復見絲竹若爲尋

崑山

華亭谷東二里有崑山陸機祖葬於此因生機雲時人以崑山出玉因名此山以美機雲

焉

昔有人如玉茲山得美名巖扃鎖積翠谷水斷餘聲喬木今無在高臺久已傾如何嵩嶽什獨詠甫侯生

三女壩

在縣東南八十里相傳吳王葬女爲三女壩於此

淑女云亾久哀丘尙著名九原誰可作千載或如生青骨何時化荒榛此地平空餘圖牒在不復啟佳城

顧亭林

野王所居也

王介甫

安石

寥寥湖上亭不見野王居平林豈舊物歲晚空扶疎自

古聖賢人邑國皆丘墟不朽在名德千秋想其餘

寒穴

神泉冽冰霜高穴與雲平空山渟千秋不出鳴咽聲山
風吹更寒山月相與清北客不到此如何洗煩醒

吳王獵場

吳王好射虎但射不操戈匹馬掠廣場萬兵助遮羅時
平事非昔此地桑麻多猛獸亦已盡牛羊在田坡

柘湖

湖中有山生柘故名柘湖記
云秦有女入湖爲神今有廟

柘林著湖山菱葉蔓湖濱秦女亦何事能爲此湖神年
年賽雞豚漁子自知津幽妖窟險阻禍福易欺人

始皇馳道

穆皇得八駿萬事得其脩
茫茫千載閒復此好遠遊
車輪與馬跡此地亦嘗留
想當治道時勞者尸如丘

陸瑁養魚池

野人非昔人亦復水上居
紛紛水中游豈是昔時魚
吹波浮還沒競食糟糠餘
吞舟不可見守此歲月除

華亭谷

水行三百里入松江

巨川非一源源亦在衆流
此谷乃清淺松江能覆舟
蟲魚何所知上下相沈浮
徒嗟大盈北浩浩無春秋

陸機宅

園督王勳不林其谷
鬱千林鬱其綰

故物一已盡嗟此歲年深野桃自著花荒棘徒生箴芊
芊谷水陽鬱鬱崑山陰俛仰但如昨游者不可尋

崑山

世傳陸氏家生機雲
故名崑山言生玉也

玉人生此山山亦傳此名崖風與穴水清越有餘聲悲
哉世所珍一出受欵傾不如鶴與猿栖息尙全生

三女岡

自古世上雄慷慨擅功名當時豈有力能使灰者生三
女共一丘此憾亦難平音容若有作無乃傾人城豈而
雲閒唳鶴之鄉也得名舊矣前人故跡多有存者寥
寥千古斷碑殘刻不可稽證唐公彥猷昔宰是邑得

記籍於編氓遂卽事物之尤者賦爲十詠相國舒王
從而和之觀其立言措意發揮形容豈務闢緝爲一
時綺語而已撫事興悲該含教化使志士高人過而
玩閱殆有深思遐想不能自己者誠足嘉矣歷年滋
久哀次在後或未之見逮今府座檢討毛公好古博
雅得泉寒穴序而銘之取斯詠載其閒余姑求諸別
集而得焉且念唐公之作刊示庭廡旣久而此獨無
傳抑亦文物之闕事故書之翠珉以示方來庶幾海
濱之邑自是增光焉爾權知縣事徐汲記

青龍海上觀潮

梅聖俞

百川倒蹙水欲立不久卻迴如鼻吸老魚無守隨上下
閣向滄洲空怨泣摧鱗伐肉走千艘骨節專車無大及
幾年養此膏血軀一旦翻爲漁者給無情之水誰可憑
將作尋常自輕入何時更看弄潮兒頭戴火盆來就濕

顧亭林

梅聖俞

鄉村空林木不見古人居猶尋古人跡更與古人疎昔
爲賢豪里今亞蘆葦墟湖邊夜夜月光彩波上餘

寒穴

山頭寒泉穴淨若鏡面平熨齒敲冰冷貯餅微玉聲傍
有野鹿跡上啼林鳥清何由一往挹況復方病醒

吳王獵場

孫氏有吳國四海未息戈獵以耀威武平野萬騎羅英
雄魏與蜀貔虎一何多世事異莫究但見桑麻坡

柘湖

柘土久陷沒千歲嗟水濱不復吳鹽邑空有秦女神浩
蕩吞海日曠闊迷天津扁舟誰能往早暮逢漁人

秦始皇馳道

秦帝觀滄海勞人何得脩石橋虹霓斷馳道鹿麋游車
轍久已沒馬迹亦無留驪山寶衣盡萬古空冢丘

陸瑁養魚池

來觀瑁湖水乃是陸生居春塘艸幾變誰膾此中魚莫
容科斗應亦有魯王餘不隨蛟龍飛神鼈未可除

華亭谷

斷岸三百里縈帶松江流深非桃花源自有漁者舟閒
意見水鳥日其泛觥浮何當騎鯨魚一去幾千秋

陸機宅

我思陸平原廢宅荒艸深才高乃速禍事往不可箴飢
鳥啄樹顛野鼠窟庭陰黃耳亦已死家書無復尋

崑山

陸氏幾世祖葬此生令名猶如產美璞遂爾傳嘉聲寒